



12346

沈氏三先生文集卷第八

西谿文集卷第八

宋翰林學士右諫議大夫知制誥充羣牧使兼判吏部流內銓判尚

書禮部長興縣開國伯食邑八百戶輕車都尉賜紫金魚袋沈遘

劄子 書啟

上殿薦馮京劄子

臣近蒙恩除知制誥臣不敢輒為辭讓然臣獨有所未
安者敢言之臣皇祐元年及第是歲狀元馮京今為龍
圖閣待制知江甯府顧京官次乃在臣下者由京避今

沈氏三先生文集

卷第八

一

州人川

宰相富弼親嫌不得知制誥為中書屬官也京始與石
揚休並命修起居注繼以唐詢范鎮然皆在京後揚休
詢之試為知制誥京皆不得與末乃與鎮並試而除知
待制今詢鎮皆以次補為學士而京連換三州不一遷
且京自以狀元及第而其初命修起居注時富弼尙未
為宰相則京之進用固不由於弼矣以詢鎮臣言之則
非平時用人先後之體以親嫌言之則非聖朝大公平
施之道京材質甚美中外所稱不應留滯凡此三者臣
愚以謂皆非所宜伏望陛下特出聖斷進京之職得比



眾人以盡公議臣亦因得以安不勝區區取進止

舍人院連署奏乞召張瓌還職狀

臣等伏以張瓌前因命劉沆贈官制詞事遂出補郡追原其意爲過本薄故朝廷亦不深譴今下遷于遠粗足塞責而本院供職者少且瓌材質之美有補朝廷不宜留滯於外臣等竊以謂可召瓌還職使在侍從備顧問與論議亦朝廷急材助治之一也臣等不勝拳拳愚慮謹具狀奏聞伏候敕旨

薦胡宗愈呂惠卿劄子

沈氏三先生文集

卷第八

二

川上

臣伏見光祿寺丞監楚州糧料院胡宗愈權永興軍節度掌書記監杭州清酒務呂惠卿二人並修身高材好學不倦其議論文章皆足以過人又皆明習世務可施有政爲朝廷之用伏望陛下特賜采擇毋使留滯以厲士大夫之望後有不如所舉臣當連坐其罪取進止

薦呂惠卿孫侔常秩狀

臣伏見權永興軍節度掌書記監杭州清酒務呂惠卿學有操術材劇器博試祕書省校書郎孫侔志行剛烈特達不羣試將作監主簿常秩經明義修安於窮賤凡

此三人皆當今士大夫之高選舉而用之無所不宜而臣之所知亦無以過此伏乞朝廷采擇任使後有不如所舉臣當連坐其罪

上殿薦王回孫侂常秩劄子

臣伏見前亳州衛真縣主簿王回試祕書省校書郎孫侂試將作監主簿常秩三人並躬修道德畜其術業施於有政無所不宜天下士大夫所共推高以爲不及臣竊謂方今朝廷求人如不足天下賢士大夫略以舉用如回侂秩固應在眾人之先而不宜在後伏乞陛下特賜召命寘之臺閣以觀其能若後小有不如所舉臣當坐欺罔之罪取進止

薦孫侂狀

臣伏見試祕書省校書郎孫侂節行文學名在朝廷今閒居湖州安其賤貧守道愈篤東南學者莫不願得以爲師臣本州爲兩浙諸郡首學者甚眾而州學獨無官欲望朝廷特除侂一職事官管句本州學使州之學者有所歸又以風朝廷尊賢養士之意於天下臣不勝所

願

乞舉府界知縣劄子

臣伏見開封府所領十七縣其知縣皆用京朝官獨考城等七縣用近制奏舉頗爲得人餘皆審官院差而不得人者十常五六王畿之內風化之本四方是則苟令長非其人則征賦不均獄訟不平百姓受其弊非所以長風化示四方也臣欲乞今後開封祥符兩縣知縣從朝廷選差外其餘十五縣並令本府與府界提點司推擇能吏連狀舉奏如任內犯入已贓及職事不舉坐以黜免者所舉官並與同罪取進止

沈氏二先生文集

卷第八

四

乞罷府事劄子第一

臣本府今月七日準敕斷左軍巡院官吏爲勘傳永昌公事已施行訖臣躬被聖選攝行尹事而明不能以辨訟威不足以制吏使中都之獄有無辜之訴御史以聞參質明備聖君仁厚悉從寬貸然此豈特小吏薄責而已其大咎乃在臣也方朝廷總覈名實以革事弊羣臣之政顧臣敢獨苟免以虧大治臣前此已具面奏伏乞卽賜褫免以全至公以盡人言臣無任傍徨殞越之至臣見待罪在府未敢入赴朝參未敢便行交割本職公

事聽候指揮次

第二

臣蒙恩待罪京府今已踰歲臣本無狀自知甚明其初被命實貪聖主特達之遇乃不自量冀竭其愚幸有所立以謝萬分故自居職以來夙夜惴惴不敢自暇而驚朽之質果不可疆凡臣之所能既以止矣而臣之所治未有聞也雖聖主寬大之恩務欲盡臣下之技不急譴誅卽復假臣以日月之效而臣之設施亦不可復加朝廷士大夫之議亦不肯容臣而且爲聖朝之累矣伏望

沈氏三先生文集

卷第八

五

川川川

陛下深計京邑之重不可以曠不治審察臣之不肖終不可責以有成推擇材吏使以代臣臣或尙得竊食苟容則句一閑州猶敢爲陛下奉行法令撫養百姓少答天地之施臣不勝幸甚取進止

第三

臣近嘗具奏以臣到府踰年職事無狀乞從罷免守一閑州而待命二旬未蒙賜可傍徨憂畏不知所措臣聞君試臣以職而考其實弗效者黜臣事君以身而盡其力不能者退此朝廷治否常必由之而不可因循苟簡

者也伏念臣材質淺薄曾不敢望中人而致身侍從已
非所據又誤當劇選使治京邑視事已來既一歲矣都
城之內姦薄之俗未嘗革也穿窬之盜未嘗絕也囹圄
之繫未嘗虛也此三者乃京邑之先務而臣在職不爲
不久獨無一可紀者其試用弗效亦已明甚然則雖欲
不自引劾以退寧不畏人之言哉方陛下奮乾剛屬威
斷躬親庶政總覈名實以臨羣臣而京邑四方之則治
遠者必自近始可使非其人而付之以輕天下之望乎
臣願陛下深察而留意卽賜罷免臣不勝幸甚況今在

沈氏三先生文集

卷第八

六

川上又

廷之臣皆一時材能之選莫不過絕於臣舉以代臣無
不可者臣如蒙天之幸未就誅棄尙獲備羣臣之後者
猶冀得一小州畢其餘力以謝陛下臣不勝悃悃祈俟
之至取進止

不入上兩府賀正三啟
伏以推二氣之元求三統之會斯得天數以爲王正維
廓廟之尊有神明之相與時協應介福無疆恭以某官
以真儒之材對太平之運咸有一德寵綏四方本朝泰
華之基方傳之而不拔羣公股肱之體固其之以無窮

迎蹈靈辰擁全多祉某居藩有守拜慶無階瞻望門牆
傾輸悃悃對門真又額極本辭附酬實裝
伏以合三律之數斯建王正謹首時之和其順天道恭
惟某官文武備業聖賢逢辰輔行福威鎮撫夷夏屬歲
元之端朔鈞帝祉於羣靈坐致治平共熙全盛某居藩
有守拜慶無階瞻望門牆傾輸悃悃

上兩府賀冬三啟

伏以考日於南律元定三統之法占易之復陽生見二
氣之心惟廊廟之尊有神明之相與時協應介福無疆

沈氏三先生文集

卷第八

七

川川上

恭以某官直道純誠全能茂業獨立本朝之上超超前
世之功維天錫蒞於國家維帝仰成於公宰坐臨穀旦
并括多祥永固靈長之基益孚中外之望某居藩有守
拜慶無階瞻望門牆傾輸悃悃
伏以氣動於泉物源於子陰陽相緝之際律曆更起之
端恭惟某官熙正天工翼安國體躬秉勳德止當聖神
會長景之爲元與端朝而鈞慶益崇久大茂對明昌某
守郡有羈候門莫及瞻祈之極悃悃實勞

上兩府三書

某蒙恩遷官未敢以謝伏念無狀竊祿待罪不暇聖君寬假復就增秩內訟愧恐不知所措然私情有所未盡者輒敢自請於朝伏惟閣下方以盛德至公承輔聖君若某之所請幸無屈於法無虧於義則或借一言之益開陳上前使某事親之心有以自安則爲某之賜豈薄也哉維左右留意不勝大幸

伏念某奉遵詔書守在江湖之上瞻望公府邈然斗極之旁再更二州連易三歲日月愈云遠矣門闕益以疏焉欲時以書自通庶將其意念或爲禮之瀆適重厥尤

沈氏二先生文集

卷第八

八

川上一

進退不獲其從夙夜莫知所措恭以某官至誠自性盛德在躬惟天降祐之靈惟帝知人之哲登序圭衮運平機衡遂當顧命之憂克寧宗廟之緒功施後世名蓋前人方將紀於太常昭昭而不泯祚及來裔永永以無疆雖當盡辭詎足爲頌某所賦無狀自惟甚明幸東南偏方安阜無事當朝廷大治典書尙寬故可俛厲其愚未能投劾而去維其覆露蓋有初終若爾訟言於何殫悉

謝兩府三啟

杭州

國恩駢厚私幸充盈顧非其堪若無所措伏念某早繇

曲學親得盛時一登備於儒林遂進陪於法從汜無稱
道宜有訟言尙賴聖明博容賢智協輔終獲全婞直之
守幾不從引劾而歸得請爲州去國猶昨越在海山之
裔且微治行之聞而增秩連仍易地優重奉親處風土
之美還家申桑梓之恭寵榮之加皆過其分品題之賜
實有所從此蓋伏遇某官分序羣材甄明眾職欲使賢
愚各當其任咸在本朝中外並奏厥功共熙大治故俾
卑疏之質誤當獎育之私敢不周旋百爲鞏固一節但
憂力之不逮或累至明若其義之所安無失素教過此
沈氏二先生文集 卷第八 九

以往未知所裁

伏蒙聖恩

云

代言於中莫有云補守藩於外未聞厥

成方待黜幽之文遽推增秩之賞逡巡承命傴俛包羞
伏念某生而甚愚學不能進徒知樸直之自守不知感
激以取名然且抱槩懷鉛出入乎承明之署荷囊持橐
上下乎太微之廷請爲一州連制千里在私之分已過
報國之勞無稱重此進遷益爲虛受始終循省啟處震
慚此蓋伏遇某官代天之工秉國之正大匠斤斧曲直
莫不適其宜良工甄陶方圓莫不稱其用曾是散齋重

煩品題謹當厲乃百爲保其一節庶幾萬分之立終謝
大公之成過此以還不知所措

昨奉敕

云

聖君之賜得徇私求宰政之平遂開公議

靖言其幸若無所容伏念某起家緒餘遭世文治始玷
科選入居朝廷校東觀之書是正何有執太史之筆統
紀未終復誤出於上恩使登陪於法從據非其所顧何
以堪雖僂俛以備官實逡巡而待罪會圖就養因輒陳
誠乃茲爲州是克如志此蓋某官權衡萬務甄冶百工
智愚莫不盡其方中外無一失其所故令無狀得用自
沈氏二先生文集 卷第八 十 川上十
安謹當祇畏所居庶幾奉承攸命以謝大德以全至公
過此以還未知所措

上并州判府太師相公

伏審某官易節成德撫封太原冊書班聞士論和附恭
以某官自天生德與世會昌厯試朝廷之難式乎華夏
之望越參大政再踐冢司有靖亂之功銘于彝鼎有致
平之業格于皇天雖外均乎逸勞實內倚乎藩屏上惟
全晉之舊大河之東總萬兵之符制二虜之患必用元
臣之重以張連帥之威蓋以師長百僚故特尊於端揆

且將節度諸將故專昇於中權富貴歸於故鄉弩矢驅
於縣令人臣之極行路以榮然海隅之民尙有歛望政
事之召實期須臾豈伊一方獨被大賜某守藩于遠拜
慶無階瞻望欣愉倍百常品

伏念某竊伏東藩藐然萬里之遠仰占台象卓爾三階
之崇禮殊等威執絕中外固不敢以翰墨之屑輒自通
於屏案之前維是瞻望慕用之無窮不知夙夜啟居而
有閒豈謂某官誦六公之貴忘相國之尊命記室以古
沈氏三先生文集 卷第八 十一
辭因行人而傳賜寵踰袞贈光照海濱內視其愚實無
以稱於題品尙期有立庶幾不辱於門闌下情無任感
激之至

大念慰太師相公疏五首
不意凶變竊承奄丁荼毒伏惟攀號躑躅五內分崩何
可勝處孝思奈何罔極奈何

日月流速伏承荼毒如昨奄移晦朔伏惟攀慕號絕叩
地叫天何所迨及孝思奈何罔極奈何某在遠無由陳
慰下誠哀愴之至

季春極暄伏惟太師相公孝履支持卽日某蒙恩

不審自經荼毒氣力何如伏惟節哀順變以全禮制下情所望

伏以太師相公大孝之德海內所聞今茲荼毒何可勝處然聖人之制禮有節文伏望勉抑哀毀以副聖君之意士民之望某蒙恩有素無由敘慰於前豈任哀悵卷卷之至

謝人投書

某叩頭辱書及文編辭高義豐讀之超然雖在荒疚猶知爲況之過而無足以當甚愧也晉陵固多賢士大夫

沈氏三先生文集

卷第八

七

川

某旣皆得交之而聞足下之名尤高獨未得闕顏色聽辭義而爲鄙陋之恨者蓋非一日矣今乃得所示文甚厚雖淺薄不能勝識二三然亦有以知足下有自強不息之志能養其氣至於充實發而爲文章無內餒不足之患如足下所示者古人何足道也某固不肖無足以贊左右四方有餘師如足下之言而欲有求於我者過矣過矣承攝事旁邑春暄無恙來使立取報以歸呼書吏不至自書不謹勿怪

樞密太尉

伏審奉膺制召入贊樞廷有嚴磨節之驅甫臨畿甸之
近行當謁候實慰瞻言

通判郎中

承被詔除出監州治欽惟才彥久著朝闈顧此迂疏幸
聯官政辱先函幅良著意勤感服之深陳敘非悉

台州通判都官

伏審涓辰之良受署以禮茲惟材選允協朝俞方引聽
於善猷且進膺於寵數遠煩示問深著勤私感服之深

沈氏二先生文集

卷第八

三

川上

陳敘非悉

梓夔路鈐轄六宅太保

承被茂恩進陞使列仍遷兵寄益示寵光遠况牋函載
隆謙美睠私甚厚感服無忘

發運司勳

伏審懋膺詔檢遷總使權寵章所宜朝論惟允恭以某
官性資甚美材具自將襲世緒之高華覽德輝之休茂

更歷中外所居風聲簡在上心薦持使節惟江淮漕計
之重實國家兵食之源必屬能賢故茲東進悵莫陪於

賓慶維加保於道腴欣頌所深敘言非悉

催發錢帛太傅

伏念稔聞喜聲未克良覲惠然高誼被以書辭講好甚隆爲感無斃尙茲閒邊願益愛頤區區之心縷縷不已

前蘇州知郡司封

伏審已解郡章趨還帝所維朝廷之彥爲士夫之望臨治方州推聞異等矧大治之世並升雋髦且至公之時敢有讒說方傾聞於寵數遽傳況於賤函禮意有加感銘無斃

沈氏三先生文集

卷第八

古

川〇大

楚州知郡職方

伏念睽違若新節物更異緬慕高槩坐馳鄙心亟闕書筆之華審聞福履之裕維其拘綴未遂展承願益愛頤前迎光寵感頌之至叢積于斯

知府密學諫議

伏審就宣皇制增秩諫司伏惟歡慶恭惟某官學造精微文成法度躬會前朝之盛對揚至德之休便蕃從聯風采禁路北入陪於樞近方告遠猶遽出殿於藩防益申冲志今茲陞進益示褒優諒無閒於須臾遂上參於

丞弼無緣面慶但此願言

知郡郎中

承己除代遂當還朝辱書過勤爲覘良厚感藏之至專
敘寧周

雜還賀正三首

竊以陽歷端朔王春授時發生之初政教之首伏惟某
官躬有盛業進居明廷踐臨正歲之元叢被善祥之澤
屈占理翰過衍吉辭意尙之勤誌懷以重

伏以陽歷端朔元春授時發生之初政教之首方餘陰

沈氏二先生文集

卷第八

五

之退伏宜吉士之亨嘉垂致儀賤過形善頌載惟感誌
何以誦言

衛州知郡觀察太傅

伏審奉將制命出撫方州涓辰之良受署以禮恭以某
官性資純茂器度闊深蚤繇近屬之華遂被副車之選
學而不倦禮以自持簡在上心之明推聞戚苑之美暫
茲居外蓋不遠於京師行且召還固自存於國典謙虛
無閒函幅遠臻抱感之叢盡言於此

雜還

伏念相見風采無一日之忘瞻言道途有千里之隔莫
從展晤徒益傾馳亟闕書筆之華欣承福履之裕矧繫
雋望著在本朝行自外臺之煩入躋近列之貴維加愛
育以對寵靈感頌并深專陳罔既

金山新越州知府密學

伏審奉膺中詔移鎮東藩徽音來傳輿議胥慶恭以某
官天資粹茂德器閎深親逢累洽之期奮先羣雋之路
入登冊府蔚爾文章之華超列邇臣赫焉事業之著廣
陵舟車所會久煩老成會稽山水爲鄉聊資卧治諒無
沈氏二先生文集 卷第八 六

補遺

與呂吉甫參政二帖

金山得所寄書不及答但有愧服閣中愛子並想全安
望亭之行在早晚耶因風寄聲爲慰麋角某在杭越三
年海上徧訪不能得乃知南中山淺偏不能容此大物
聞荆湖最多已作書澧州求矣到當奉寄京師有所要

一一示及無外無外

示及新篇君詩固佳矣然此篇又超逾前後乃用意之至者也欽歎無量本欲作一篇看此次第更如何下手也猶可恨者書未佳耳

播芳大全

沈氏三先生文集卷第八

沈氏三先生文集

卷第八

七

一八

浙江書局刊

徐惟琨校

張大昌校

孫樹義校

沈氏三先生文集卷第九

西谿文集卷第九

宋翰林學士右諫議大夫知制誥充羣牧使兼判吏部流內銓判尙

書禮部長興縣開國伯食邑八百戶輕車都尉賜紫金魚袋沈邁

書記贊文

湖州知郡屯田

比者承詔之藩引舟在道側望封圻之近稔聞治行之高無緣至前以釋所願遽辱書而爲况仰執禮之過勤方此索居重期多愛感懷之至談敘奚窮

沈氏三先生文集卷第九

知郡郎中

伏審已交舊符方待新令遽煩書禮良著意勤感服之深專陳罔既

通判都官

伏承受代解印趨裝還朝遽煩詒書良謂約禮感銘之至專敘靈周

運使學士

伏審某官拜恩計府抗節行臺詔目專聞部吏傾望維屬城之無狀晞善庇以有歸竊跂齋鈴已臨近旬順履

霜嚴之氣保綏神舍之休迎對在前歡愉劇此尙期加
愛畢副所懷

雜謝九首

伏念奉閒風期頻更節物緬慕高誼坐馳鄙心忽闕牋
牘之華欣承福履之裕雖其遐阻來多晤言願益愛頤
前迎光寵感頌之至叢積于斯
比者吏介書來賤函斯暨載懷勤厚良用感銘
比者叨冒國恩進陞官等寵靈非稱憂畏弗寧約禮過

勤詒書來况永言高義寘在鄙心

沈氏三先生文集

卷第九

二

川川三

蒙被朝恩進陞禁閣假行尹事實治畿封顧非可任之
材安取所期之效僂俛就職啟居不皇靖言其從蓋有
攸賴此蓋某官樂善之誼上存本朝相先之誠周及多
士矧茲叢陋之質尤被品題之私方將奏記於前亟奉
置郵之問惠爾辭誨粲焉恩輝雖然勞謙之隆乃重無
狀之負謹當佩服斬永寵華區區所懷縷縷無斃
比者蒙被朝恩進陞禁閣假行尹事實治畿封顧非可
任之材安取所期之效僂俛就職啟居不皇維樂善之
誠有相先之誼惠爾辭問粲焉恩私雖然勞謙之光乃

重無狀之負謹當佩服斬永寵華區區所懷縷縷無斃
比者蒙被朝恩進陞禁閣假行尹事實治畿封顧非其
才方憂所稱惠然辭問粲爾恩私永當佩藏敢有倫斃
伏蒙仁私以某赴郡過府特垂寵訪感服之至不任下

誠
比者奉被朝恩進司帝制竊自維於非據實陰賴於爲
容伏惟某官志在本朝樂得多士慕南山之詠萬壽是
期玩菁莪之歌百朋以錫推援無倦髦彥並升故雖蒙
陋之姿亦冒寵靈之幸適將馳謝遽辱騰書禮意并隆
感服無斃

沈氏二先生文集

卷第九

三

川川川

奉被朝恩進司帝制顧微善狀實玷寵章高誼不遺榮
函遠暨禮周意厚感極愧并

鄆州知府侍讀

伏審自請上前外臨方面涓辰署治已日戒行恭惟某

官學兼九流材備數器奮先羣雋之路簡在至公之心
入直北門蓋方倚以大用出藩東夏茲由徇於素誠且
汶陽上游天平巨鎮版輿安穩錦衣輝華故里犬雞之
聲密以相接新阡松檟之植甫不越疆并爲寵榮豈但

息偃適將馳慶遽辱騰書禮意甚隆感服無斁

兗州知府少卿

伏審榮被詔恩進陞卿列居奉常之次允屬能賢總刺
史之權尙留外部於維華望著在本朝行從疾召之歸
遂陟近班之貴方將贊慶遽辱騰書禮意并隆感服無
斁

環慶部署都使太傅

伏審光被詔恩擢司戎律伏惟慶慰某官忠純有立材
武自將蚤縻勇爵之榮積著戰多之茂周旋邊障詳核
沈氏三先生文集 卷第九 四 川文文
兵家屬謀帥於六師遂進階於諸將茲惟上選允協朝
僉方引聽於善猷遽辱煩於榮問永懷感服奚暇敷陳

潞州知府學士

伏審榮被詔函進陞史閣仍當方面之寄實督連城之
權寵章所宣朝論惟允方將馳慶遽辱騰書禮意甚隆
感銘無斁尙念朋游之闊獨深節物之思願益愛頤以
熙福祉區區之意縷縷莫宣

大兩省知州

比者承詔之藩引舟過府卽瞻盛德良慰鄙心

諸州知州以下職司改郡爲部

比者承詔之藩引舟過郡辱書爲勞將意甚勤卽奉陪言并深感素

兩浙轉運學士提刑郎中

比者奉承中詔出守東藩欽惟刺部之賢實獲庇身之幸引舟在道觀德有期甫霜氣之戒寒諒道腴之增勝尙靳愛輔茲副瞻言

越州通判太傅

比者奉承中詔出守東藩欽惟能賢實共官事辱先函

沈氏二先生文集 卷第九

五

幅益示勤私前遲晤言并申感素

越州簽判以下

比者奉承中詔出守東藩吏介書來牋函斯暨禮意良厚感銘不忘

揚州通判國博

比者將命之藩引舟過府承有按田之役莫皇就見之勤使介書來牋封斯暨愛存甚厚感服無忘

新陝西都運諫議

比者承詔之藩引舟在道方卜中河之遇亟煩一介之

書卽奉晤言并申感素

常州知郡兵部東密東密比者奉承中詔出守東藩拏舟在途指日過郡方引觀於盛德幸開慰於鄙心亟枉華牋實將高誼愛存良厚佩服莫勝更遲晤言并申感素

轉運兵部學士

昨奉敕

云

聖君之賜爲郡則優使者之賢庇身斯幸

伏念某性匪甚敏學初弗充先生緒餘雖講聞之已久朝廷法律曾省習之未皇今用治民實茲從事漠然無沈氏二先生文集卷第九 六 川上又措必矣包羞尙賴高明之臨一以寬假爲濟永惟鄙託不能倦談

杭州知府密學侍郎

比者奉承中詔出守東藩欽惟能賢實在鄰治滄溟之澣幸被於餘波良匠之旁固宜於縮手辱先函幅益示勤私感服之深陳敘非悉

諸州知州以下

比者奉承中詔出守東藩視事有初騰書來暨禮意甚

厚感銘不忘

職司遠迎

伏承使節來次近郊有勤道途自保休勝卽前迎謁得
敘悃私

雜還遠迎二首

伏蒙仁私以將次郡城特垂榮翰感服之至不任下誠
比者祇承詔言歸直右省引舟在道辱介示書禮意過
隆感服無斃

丹州新學記

古之學者學道與藝道與藝必出於師而師在庠序故

沈氏三先生文集

卷第九

七

學者亦必在焉後之學者學利而已利不待師而能也
故學者不在乎庠序而在乎家焉夫先王之所以必用
庠序者士之所在也教之所出也後世之所以無用庠
序者士不在也教何有焉蓋三代亡而庠序之法亡矣
漢以來不能及也然其閒願治之主當塗之士有志乎
先王之治者甚眾欲近而反遠欲厚而反薄陵夷以至
乎大壞若不可復者豈固不可復與亦失其術而已夫
不究其本而未是圖不知其可也故雖有庠序之制師
弟子之禮亦非先王之意矣宋興旣百年當慶厯閒海

內晏靖民趣於治天子休之以謂禮樂可興而三代之治可放而致也於是遂登羣材修法度始詔天下更立學制而增大之延師儒先經藝使學者務進於道變文之弊以近古使學者不獨爲利而已當是時天下之士不誠而勸不牽而趨惟恐其後雖天下之人亦舉相慶以望教化之行太平之成也而執事者不能稱上意其所以注措皆甚詩謬始失於太學而天下從以隳于今十餘年莫復有言治學者甚哉道之難行也孟子有言王者之不作未有䟽於此時者也夫慶厯之詔可謂王

沈氏三先生文集

卷第九

八

川文

者之舉矣而莫克終使天下之士失望然聖人之心豈遂杳哉執事者未能及爾此天下之士所以卷卷而有待者也然則今之郡縣有能治學以待於土者豈非忠哉丹州直雍之北近邊郡也其俗尙武不知學文常以武人守之益不以學爲事雖慶厯之詔亦不能奉行今供備庫副使梁侯鑑之來始謀興學州故有孔子廟因卽其旁而爲學舍旣甚備又爲聚書迎師所以教與養者莫不盡於是丹之民始知有學來者源源已而有詔使天下貢士於京師初丹當貢三人而州之民旣無

有應詔者乃一取於它州及是所貢三人皆州之秀也
於是丹之民益知學之可貴長者悅少者慕來者亦愈
眾或謂梁侯教化由上出者也發乎朝廷達乎天下三
代之法起於井田成於庠序茲謂有本本不立而區區
其末非過歟梁侯曰教化固由上出也然吾爲刺史不
可以不本詔書詔書不曰勸學乎且吾之道民以學而
來者靡然豈我之能毆之也亦民之樂於善耳吾將以
樂爲善之民以待上之教化豈謂過歟於是士大夫知
梁侯爲吏之有方而其材果可爲朝廷用也梁侯既喜
沈氏三先生文集 卷第九 九
其民之樂於學又懼後之人或慢而不顧使丹之民不
得卒爲善而遷於惡也將以其事銘之石以示後之人
乃來求文於余余旣感夫學之廢久而慶厯之詔不克
終又嘉梁侯之用心者遠可以風乎四方故爲著其本
末而不辭嘉祐二年六月庚午記

本治論序

臣聞君明而臣修君作而臣行維君臣克協於一而其
志通其道濟故紀綱以輯百度以釐君不得其爲君則
臣不得其爲臣故紀綱以亂百度以圯未有有君而無

臣也未有有臣而無治者也君以是罔弗聖臣以是罔弗賢二帝以是爲三帝三王以是爲三王古之善言治者不越是矣聖人復起不易是矣國家基業固天地聲教徹四海祖宗三世功治全矣陛下以上聖之姿端拱太平恭儉過於前人仁慈聞於天下三十年閒臨政而願治可謂勤且至矣然而紀綱百度尙未臻祖宗之世者豈治久必變法久必弊與殆羣臣之未盡能而眾職之未盡舉甚非所以副陛下憂勞之意也臣愚不足以究天下之事識治亂之幾然嘗學舊史竊聞故老凡前

沈氏三先生文集

卷第九

十

川上三

代之成敗祖宗之遺烈亦粗講熟輒以所聞見爲論三十篇篇著一事合而名曰本治皆國家之大體當今之先務而一本以聖人之法或質以前世之迹或槩以祖宗之制謂可施而行而無悖於理者惟陛下留神而試擇焉不勝區區大幸臣謹上

張貫之眞贊

世宗全矣對不以土壘之姿飾其

公生于齊海岱之靈覽我德輝儀于玉庭濯濯其文矯矯其質匪躬之故維直維一朝廷是咨卿士是儀是謂先覺老成之師神之聽之介以壽祉宜爾後人來拜于

是

贈昭信軍節度使遂國公宗顏諡昭裕

國家興四世百年閒宗子之盛蓋以千數其能卓然以名聞者有矣其能履法度以不失其寵者又多焉夫生平深宮之中非有師保之良詩禮之習而能然固足尙也今考遂國公之始終無所虧者而又好學自彊以數被天子賞異尤可稱者也太常論諡曰昭裕茲無閒然矣

贈司空兼侍中晏殊諡元獻

沈氏三先生文集

卷第九

十一

川川文

司空初以聖童召見章聖皇帝卽以卿器之維先帝知人之哲所以獎厲而育成其材者非它臣敢望而司空亦自以天子爲知己所以感奮一心以事上者又非它臣所及故終先帝世未嘗去左右君臣之遇盛已極矣上嗣位以先帝之所屬且東朝之舊遂大任之夫以少年起遠外爲兩朝親臣登丞相府爲國元老非高材盛德孰克任之嗚呼賢哉有司舉諡法曰主善行德曰元文賢有成曰獻夫以道正身以身正國推賢進能維公罔私可謂主善行德矣學爲世師文爲國華進退法度

始終一德可謂文賢有成矣諡曰元獻有司之議是請從之

贈某官藍元用諡榮恪

藍元用以世仕自黃門至內侍都知領大鎮舉廉察殘以一品贈權祿名數咸極罔加考前後所居職多以能稱而鮮敗狀無惡於眾人無羞於朝廷視諸其黨斯亦可尚者也禮今三品則諡元用今一品太常議曰榮恪當從焉

贈中書令程琳諡文簡

沈氏三先生文集

卷第九

十一

川人

贈中書令程公蚤以材名聞于時天子不次用之歷中執法司國計尹大眾極朝廷之選既試效卓然遂參承相事任國之重天下稱其平出爲藩屏經營二方以寧蓋以其材爲國家用者三十年大事罔不與總位將相爲邦之翰固天下之望也歟今有司論諡曰文簡夫制節謹度忠信以接禮勤勞公家一德而不懈程公有焉考之於法可謂當矣孰能閒議哉

三司獄空道場功德疏右語

伏以至仁當天品物咸若尚念中都之廣未殫庶獄之

情是用乘肅教之辰班疏滌之詔宥恩浹被重行蕩空
申命有司率循故事命竺乾之眾啟梵唄之場私密並
宣允臻於勝果福祥所報願謝於洪私稽首真如同歸
正覺

功德疏右語

伏以真人御世式應千齡之期大覺牖民允爲諸福之
地甫屬誕彌之節祇陳梵唄之場祕藏並開勝緣斯在
伏願皇帝陛下淵默高拱優游太清錫羨神策之長延
洪多子之慶益推慈祉大庇含生

沈氏三先生文集

卷第九

三

川一三

眞宗皇帝忌日醮文

伏以荆山之鼎旣成空瞻橋塚帝所之游不返孰問鈞
天真宗皇帝道本希夷治由清靜默運無爲之妙坐還
太古之淳今皇帝聖性自然孝思罔極感諱辰於禮典
嚴齋法於道家眞宗皇帝伏願登御崆峒從游汗漫錫
羨上靈之福延洪後嗣之休今皇帝伏願覆燾無疆照
臨有赫奠枕岱嵩之固卜年箕翼之長然後股肱忠良
藩屏信厚其贊襄於盛德期協齊於太平

溫成皇后醮文

伏以掖位既收望仙游之逾遠寢園備設屬諱日之繼
臨溫成皇后濟美高門升華宸御內佐六宮之治方此
蒙成上賓七日之游亟其不返今皇帝顧衷懿德追賁
徽稱載嚴時祀之修申戒道家之薦溫成皇后伏願歸
眞紫極登籍黃庭擁佑邦家之昌降釐福祿之厚今皇
帝伏願道均覆載功被華夷永臨北極之尊益固南山
之壽凡茲勝利咸與眾均

乾元節罷散道場齋文

伏以玉燭均和甫導正陽之氣電樞紀節屬當誕聖之

沈氏三先生文集 卷第九

酉

川 8 13

期奄暨多方同歸善頌恭惟皇帝陛下躬荷皇策上當
天心持四世之盈紹休於前緒保百年之業孚佑於下
民相公樞密參政左右王家股肱國體率籲周行之眾
宗斬大覺之神皇帝陛下伏願聰謀日躋明哲時敏祚
子孫於無極登壽考之不忘相公樞密參政伏願同寅
協恭奮庸熙載盛業著於當世榮名流於後來然後文
武和於朝旒倪安於野凡在有生之類一歸大順之中

順祖皇帝齋文

王業攸開實尊於祖德禮經有奉載及於諱辰順祖皇

帝積慶自躬發祥于後雖光靈之逾遠儼廟寢之具嚴
今皇帝祗序聖功適思孝饗旣盡誠於蒸祀復薦福於
浮圖順祖皇帝伏願鈔悟眞如超歸正覺推羨昊穹之
祉降興家祚之休今皇帝伏願德以日新功與世廣闡
本枝於百代登壽考於萬齡然後百工並熙九族咸穆
協致太平之烈克成不拔之基

眞宗皇帝忌日齋文

伏以威靈在天永惟文考之烈明發追孝允謂聖人之
能眞宗皇帝德侔古先功濟華夏暢聲明於一代遺膏
沈氏三先生文集 卷第九 五 川 々 々
澤於四方今皇帝丕承緝熙對越感慕旣飭精於明祀
復祈薦於大雄眞宗皇帝伏願超脫六塵歸安十地勇
錫惠慈之福保佑靈長之基今皇帝伏願文明日躋武
哲時懋開本枝於百世登壽考於萬年然後臣隣輔丞
戚近藩屏咸協恭而宣力永致國以延洪

太宗皇帝忌日齋文

永世克孝本皇祖之垂謀繼序不忘維孝孫之善述太
宗皇帝躬參造國底定多方實立一王之基遂開萬世
之嗣今皇帝繼承不怠明發有懷申戒上賓之辰追嚴

西竺之薦太宗皇帝伏願登慈悲之室超通惠之門降
佑家邦召來戢穀今皇帝伏願撫國長楸對時太平日
月齊其光華天地均其高厚然後卿宰翼翼本枝誥誥
協躋內外之和率歸仁壽之域

章獻皇太后忌日齋文

坤德載物所以順承于乾王化自家所以儀刑于國章
獻皇太后肅恭明哲徽懿慈祥親承顧命之憂擁佑聖
躬之茂今皇帝欲報罔極不寐有懷遵諱日於禮經薦
福因於梵竺章獻皇太后伏願往憑六法超脫五門推
慧力之無方保邦基於不拔今皇帝伏願聖問時敏德
音日新永綏六氣之和安享萬年之壽然後三事良弼
益宣勞而納忠四隣懿親咸講義而敦睦凡在覆載一

陶泰寧

章獻皇太后齋文

內德之盛位正於六宮母儀之尊功施於四海章獻皇
太后天作之合文定厥祥本顧託於先朝能擁全於聖
質今皇帝通追慈教浚發孝思永維諱日之憂對越道
家之福章獻皇太后伏願解眞凡路脫屣仙塵上從八

景之游下撫千齡之會今皇帝伏願乾坤合德日月並
明置國泰山之安維宗麟趾之茂然後羣公庶尹安其
位遂及世家黎元百姓樂其生咸知帝力

章穆皇后齋文

伏以聖人致孝之極神明是通浮屠利物之因幽顯攸
賴恭惟章穆皇后起盛德之後居正體之尊徽音不泯
信史咸存今皇帝奉先以禮追遠必誠博謀眾福之門
獨嚮三乘之果章獻皇后伏願圓成正覺歸悟真如推
妙廕於諸天保太寧於百代今皇帝伏願陟降帝右輝
沈氏三先生文集 卷第九 七

文懿皇后齋文

伏以太虛無垠雖神明之莫究孝思有感儻臍蠻之可
求恭惟文懿皇后積慶自先發祥開後既奉尊於正號
遂登祔於祖宮今皇帝篤霜露之思追日月之遠式嚴
佛事仰薦仙游文懿皇后伏願超不二之門證無上之
果陰持聖緒駿發孫謀今皇帝伏願萬壽無疆百祿是
荷盛德配於堯禹卜年過於夏商然後本枝盤牙卿士

心膂上以撫五辰之正下以遂萬物之和凡在有生咸
歸大順

沈氏三先生文集卷第九

卷第九

六

一
川
三

浙江書局刊

徐惟琨校

張大昌校

孫樹義校

沈氏三先生文集卷第十

西谿文集卷第十

宋翰林學士右諫議大夫知制誥充羣牧使兼判吏部流內銓判尙

書禮部長興縣開國伯食邑八百戶輕車都尉賜紫金魚袋沈澧

祭文 墓誌銘

祭濮王文

惟王帝室之長本根是庇宗正之老九族是序貴有九
命高而不危富有萬鍾滿而不溢上所尊禮下之儀表
今茲薨謝疇弗弔悲爵則眞王祔則華衮名數之寵存
沈氏二先生文集 卷第十 一 川上女

殁其極鼓吹在行旌幡在列敢陳薄奠以薦眾誠

祭故吳越國王文

惟靈昔嘗有吳越之地而能推惠於其民故享天之報
子孫蕃衍昌大以施於無窮而幽宮在茲民實嚴之故
今因民之心祇薦薄禮

祭贈太師孫公文

惟公行義之修若於鄉而鄉人不忘慶善之積發於後
而後世遂大故神靈之宅莫敢弗恭而觴脩之陳實因眾

中書祭皇后舅某將軍文

惟靈忠純有立材勇自將德門之慶威里之光登于王
朝縻我武爵富貴是期功名是樂雖得其位未充厥材
奄焉永逝但有餘哀翼柳在塗笳簫在列千歲之歸
觴以徹尙饗

中書祭秦國夫人文

惟靈孝友肅雝慈祥溫惠襲慶高門歸嬪吉士克生賢
子相我聖明咸有一德垂拱仰成丞相在朝夫人在第
壽考康寧五福充備天子嘉之封君大邦禴翟象服爲
沈氏三先生文集 卷第十

二

川川七

祭口國太夫人文

惟靈柔明之德形于閨門慶善之祥大于丞相丞相文
武入輔出征再執魁柄作時阿衡大邦爲封萬鍾爲養
匪也直今來者難尙帝命丞相撫封太原師長百辟端
揆之尊朝廷是榮搢紳是慕丞相請祠夫人之故安車

駟馬卽寧三川丞相純孝風于九塵五福旣充百齡何

促奄忽其歸罔有不足天子致賻恩加禮豐寵靈光渥
畢于泉宮某守藩在南望弔弗及寄奠敘詞哀盈恨集
尙饗

代人祭吳春卿文

維公剛健渾粹淵泉澳清萬人之傑一旦之英嶮焉特
立弗與眾并竭來東州初以文試進士賢良再冠多士
金玉其聲虹霓其氣進登臺閣入侍軒墀皜皜之質濯
濯之儀彼羣在庭疇敢與夷紫微右垣金鑿北戶代帝
之言啟帝之慮嘉謨遠猷日莩于下上屬公賢將付機

沈氏三先生文集

卷第十

三

川
L
I

衡尹以大眾示觀厥成初不告勞敏如神明民有譽言
朝有正論維公之才唯上之信乃參台司以幹大運平
津之學賈生之忠宋璟之直楊綰之公奮于廟堂蹇蹇
匪躬長風大川孤航莫濟重陰積氣皎日爲蔽公當是
時乞身以退出作屏翰四方之宣入陪講藝邇英之筵
乃睠雒宅宮鑰是與帝方難材民胥願治胡爲舊人而
不愆遺天子震嗟士夫出涕嗚呼天之於物固自有偏
曷於善人尤不與年而彼姦傲鮮弗永焉烏乎前公後
卿富貴烜赫存莫有聞歿奚足惜從昔以來未始有息

孰如公喪天下弔悲況於友朋義均戚私望哭陳奠庶
來臨之

祭唐待制文

惟靈有直清之德立于本朝而身致顯榮有慶善之祥
施于後嗣而代益昌茂固摺紳之所景行而鄉閭之所
尊慕也某旣爲里人辱通世契復幸守土得申所懷方時
清明陳奠菲薄尙饗

洛苑使英州刺史裴公墓誌銘

至和元年秋七月乙亥洛苑使英州刺史裴公卒于晉

沈氏三先生文集

卷第十

四

川三三

州後二年當嘉祐二年其子士禹爲西京留守推官始
謀以冬十月辛酉葬公于河南府之永安縣歸恩鄉乃
使人以公之世次閱閱始終之狀來請銘予爲之論次
曰裴氏出河東聞喜唐丞相文獻公耀卿公九代祖也
其後或徙于蒲之萬泉至公之皇祖贈右神武軍將軍
延復來居京師遂爲開封人皇祖三子伯麗澤右補闕
仲濟內客省使季麗正尙書金部員外郎贈刑部尙書
公之皇考也補闕以文學客省以武功尙書以政事皆
爲祖宗名臣於是開封之裴獨盛于世公諱德輿字載

之皇妣曰河南縣太君宋氏公少以仲父任賜同學究出身再遷太常寺奉禮郎監和州酒大理評事監越州稅光祿寺丞大理寺詳斷官遂爲其寺丞通判河中府河中公故里也親戚故人多在公既至悉召戒以國法不可犯爲吏者不得以私貸己而皇妣之族弟以事至府公辨其曲寘於理自是訖公去不復有至府者遷太子中舍知梁山軍殿中丞通判永興軍有盜十七人殺人于市以逸公以謀獲之請其帥宜盡戮以徇帥難之公曰白日殺人長安市上此非常盜也不盡戮無以威

沈氏二先生文集

卷第十

五

川文八

眾帥勉從之既而有以言于朝者詔遣御史覆視帥懼且讓公其後獄自白而詔不問帥乃伏徙知商州州有官治其徒皆四方流人常繫之以役公曰是亦人也豈不可以善待之而使之遷耶悉弛其繫卒無一人敢冒法遷國子博士虞部員外郎入權開封府推官出知潁州民有少孤而畜于舅氏者舅死隨其妻適某氏其妻又死乃告某氏曰昔我孤舅氏夫婦育我甚恩今又不幸願得其喪以歸合葬于舅某氏不與乃閒使人盜其骨去某氏怒執以告法當坐死公呼某氏前曰若知彼

盜若妻墓何也曰是嘗欲求吾妻之喪將以合葬于其舅爾公曰是故可嘉者也笞而遣之擢提點梓州路刑獄進金部知陝府徙耀州不行同州饑以選知同州民流者復業召對賜三品服提點京東路刑獄所部有廣濟渠歲調民濬之而其被調者獨二州既久不堪其困公奏代以漕兵歲省民力數十萬至今賴之進司勳知鳳翔府是時元昊反而兵久不解關中調發百出府所賦十倍它州公諭民以國事與期而寬之眾樂皆先期以辦連詔褒異擢夔州路轉運使遷主客郎中大臣薦

沈氏二先生文集

卷第十

六

川文

公有文武材拜西上閣門使益州路兵馬鈐轄歲滿益帥賴公自輔乃上言願留公卽詔加昭州刺史復留二歲還遷四方館使知貝州徙冀州未幾貝州亂公聞卽發兵旣至賊已拒守猶奪其西關城所全者甚眾冀去貝百里初聞其亂民大擾或勸公爲備公不爲動閭里帖息貝部鎮有惡民乘醉辱鎮吏出不遜語吏顧無所屬則來告公立斬之自是無敢譁者貝久不下有素害公者言公前爲貝斷妖獄不能絕其類使有今日亂詔以屬御史事雖辨白黜爲池州團練副使起拜染院使

信州兵馬都監進洛苑使徙宣州又徙開封府太康縣
朝議直前枉且復用遂加英州刺史晉州兵馬鈐轄又
徙知涇州未行以疾不起年六十七公爲人剛廉篤實
而自信不爲苟合其居家如在官毅然不可犯遇事無
大小皆爲度使可持久爲吏長于治民前後更七州至
今稱思之其自岐徙夔州人遮道以泣及自蜀還岐父
老復相率出迎是時天久旱公至而大雨岐人益以德
旣去而送者如初去時其自負徙冀民挽持之終日而
騎不得前冀吏或排其眾擊之曰汝乃奪我公吏卒或

沈氏二先生文集

卷第十

七

川文

傷員守怒使械數人眾乃稍去天性勤于公家其謫信
州愈自勵纖悉必躬或謂公少居此且遷優游而已何
自勞也公曰凡謫者固將以苦之也且吾職當爾尤喜
薦士蓋所薦者數百其至公卿爲時聞人者多矣平生
讀書善老莊之說故其被黜流者累年雖家人不見其
有異也夫人宣城縣君史氏繼夫人安平縣君李氏二
子士龍太廟齋郎早亡次士禹也二女適瀘州軍事推
官楊諤溫州軍事判官趙頡二孫陟隨陟試將作監主
簿予少已聞公之名得識公者又十年知公爲深嘗歎

公之材方進而斥旣起而不能盡其用以卒爲後世之
悲故爲之銘而不讓銘曰裴出河東其遠歲千耀卿之
後七世再遷遷于京師厥家旣大及乎尙書其美益濟
公初從政奮然敢爲四十年閒實稱吏師其剛莫摧其
勇莫遏斥去無言我完我節君子之學重乎有施公治
七州于今歌之位雖弗充公則亡恨琢石以銘來世之
信

尙書職方郎中致仕劉公墓誌銘

并序

皇祐五年冬十二月尙書職方郎中劉公始致仕旣素

沈氏三先生文集

卷第十

八

川七上

愛吳中山水之佳遂築室以居而置其家事一不問獨
月與吳中大夫之賢者縱游酣飲往來虎邱洞庭之間
從其游者亦皆樂之而不知倦如是者十年年八十一
乃卒吳士大夫更相弔以謂世之以老歸者雖多而類
不能知自放之樂使知之又頗以衰病而不可彊則如
公者乃無幾人是可賢也余家吳中與公家有舊當公
之歸余方位于朝不得從其游今公將葬諸孤來乞銘
故余樂爲之論次而不辭公諱某字禹昌袁州臨江人
也少孤知自立學問舉進士天禧三年及第爲福州懷

安尉杭州仁和主簿徐爽胡則等數人薦其材擢爲大理寺丞知越州蕭山縣遷殿中丞知蘇州長洲縣太常博士尙書屯田員外郎黃汴河催促綱運賜五品服都官員外郎通判杭州職方員外郎知興元軍屯田郎中知溫州都官職方郎中知廣德軍凡九居官皆以治行聞公知于吏事蓋天資也凡遇事無險易煩簡必窮其根柢盡其是非然後傳以法令關鍵牢密吏不能闖而爲姦故所居無不治其守官雖權貴有氣力不能奪長洲多過客或求發民以輓船一人不與郡至爲移書亦

沈氏二先生文集

卷第十

九

川文八

不聽杭州守多達官自任不循以度公一皆執正守初不能平後事有失而被按舉乃始愧謝所至必爲民興利除惡蕭山鑿鄭河數十里以便轉輸興元治山道以省棧閣葺三堰以灌漢中田皆息民大費而著以爲後世利溫州俗事妖神壞化亂法公捕誅其首惡而餘一不問民更得自新故公所居能懷其民而其去也必見思古所謂循吏者不過此矣其爲人樂易簡直無內外之異不汲汲于進取使黃汴河故事歲得奏計召見前此者多自陳其勞以受賞公未嘗一言及私元昊反時

詔近臣舉可以任邊事者翰林學士蘇紳以公應詔公
遽自請不就人或勸之公曰士當自用以所能則官無
曠矣兵非吾事也豈可苟利一身而使公家有廢哉蓋
公之自任者如此然用是難進而所施止于一州豈不
惜哉夫人高陽縣君紀氏賢明而材公之歸老能優游
而不以家爲憂者夫人是助先公二年卒二子敦前秀
州軍事推官孜前處州麗水縣令四女長適尙書屯田
郎中徐執中次適衛尉寺丞陳維孫次適雄州軍事推
官王諶早卒次尙幼余聞劉氏世著姓而臨江諸劉歷

沈氏三先生文集

卷第十

十

川三文

五代獨不顯自皇考尙書工部員外郎諱某始仕于朝
主三司磨勘善其官而世以其官名之公又與其弟尙
書主客郎中立之繼有能名主客之子敞攷又皆高材
敞今翰林侍讀學士重于朝廷凡三世爲天下聞人盛
矣然則劉氏未嘗不顯于世獨不遭其時耳豈謂無其
人哉公之葬實以嘉祐六年某月某甲子在某州某縣
某鄉之原夫人耐焉銘曰虎邱蒼蒼洞庭峩峩昔公來
游賓從歎歌洞庭寥寥虎邱翳翳今公來葬行路悲涕

松栢在山有苑其城千秋安此亦維平生

宿州司戶參軍吳君墓誌銘

皇祐五年七月某甲子宿州司戶參軍吳君卒後二年
某月某甲子葬于東海胸山之陰君諱君庸字伯起世
爲東海著姓大父宿大理評事致仕以德行名州里善
教諸子有法曰元寶元卿繼以進士上第曰元瑜以能
力佐父治家君其子也母曰游夫人少端敏工辭章爲
吳氏之秀始冠策慶歷六年進士爲青州臨淄主簿丁
繼母譚夫人憂免旣除調宿州司戶參軍初至眾頗少
之已而大舉其職僚吏乃更推憚刺史薦之于朝州事

沈氏三先生文集

卷第十

十

川三

無大小皆以濟部使者聞而又薦之未踰年而薦者已
數人然知其材者愈多而其役愈加矣君素羸至是被
疾久之又以使者符走山陽遂革不可治年二十八無
子烏乎可爲悲矣君孝謹爲州里所稱王妣福昌縣君
某氏之歿獨以不見君爲恨侍譚夫人疾晝夜不解帶
服喪已病歲餘僅能起其爲人溫恭修潔尤善朋友尙
信義故聞其喪而嗟痛出涕者多矣予與君皆婚陸氏
知君之深先葬其弟君袞奉其親之命來乞銘銘曰有

苑乎文以成厥名有勤乎官乃殞厥身命不吾傷而傷

其志壽不吾知而知其仁銘之無窮以慰其親

陶叔獻墓誌銘

廬江陶叔獻字元之其先自晉大司馬侃以來世爲廬江大族自其父方左侍禁杭州巡檢卒官始家于杭是時君始冠矣家甚貧奉母夫人孫氏以孝稱好學明經能文吳越學者多從之皇祐元年春三月登進士第四月乙酉病卒于京師年三十六君儻有大節仁於宗族信於朋友善議論通古今所至公卿大夫皆爲之禮且謂其必用于時而不可量者也豈謂其亟己者也烏

沈氏二先生文集

卷第十

十一

川七上

乎其命矣初君之卒諸朋友賓客旣相與斂賻殯君于國東門外其妻唐氏則攜其二男一女歸江陵外家孫夫人老無所歸遂養於其外孫戴顯甫以壽終顯甫者秀州人舉進士有名今年被選爲亳州永城尉遂載君之喪歸以十二月壬午與君之考妣序葬于月輪山之東原嘉祐八年也唐氏先已亡三子者不知其所矣烏乎益可悲夫君所爲文章皆散亡獨所撰西漢文類行于世子與君皆皇祐進士昔哭其死今見其葬非予孰爲銘者銘曰烏乎元之世皆有死奚甚可悲獨子之身

生死百罹沒而冥冥一歸于已使其昭昭子恨多矣吳山之陽大江洪洪高岡茂林是惟新宮親安于前子從子後得其歸哉妻子何有

建寧軍節度推官丁君墓誌銘

并序

建寧軍節度推官丁君者蘇州人也皇祐元年春三月先帝臨第進士于庭余與丁君俱在籍中始相識既出而丁君日來過余不知倦余去佐金陵丁君亦去爲杭州餘杭主簿余入位于朝丁君再調爲開封府中牟主簿用今樞密副使胡公薦得建寧軍節度推官自丁君

沈氏三先生文集

卷第十

三

川七七

之去餘杭至于建寧遺余書者月不絕在中牟每以其職事詣府必三四過余而後去故余與之益熟而丁君實通敏習時事善與人交而人多稱之丁君亦勇自奮欲進顯於時而榮其親不幸而已于此其父某老矣其四子二女皆幼未立哀哉其命邪夫士之有負其材而不能合於時而又得大臣稱籍如其志矣使進而不已亦何求而不得邪然卒已於此烏乎世之皇皇汲汲不知命者聞之亦可以少覺矣哉丁君者名伯初字慎之

年四十六母某氏妻周氏以嘉祐七年八月十四日卒

於建州明年某月某日葬於湖州某縣某鄉銘曰生也
不能充其欲死而遺其親之憂獨得吾銘尙慰爾幽

長壽縣太君魏氏墓誌銘

長壽縣太君魏氏三司使尙書禮部侍郎贈太尉羽之
女也母曰南陽郡太君程氏魏氏世新安人太尉公當
太宗時爲三司使十八年有功於國家一時名臣其族
旣大而顯愛其女爲擇所歸而得張公公少孤奉其母
安吉縣太君章氏居京師有姊爲楊文公夫人號南陽
郡太君夫人旣歸張氏事安吉南陽鈞用婦禮孝愛恭
沈氏二先生文集 卷第十

西

川 七 三 川

惠未嘗有懈文公賢之常曰魏氏有女張氏有婦張公
以材能進位於朝出入任事夙夜在公不顧其家家事
一出於夫人而張氏故大家也夫人內治其室以法度
外接親黨以恩意外莫不服而歸之張公中廢下遷
流落者十餘年夫人處之如平時故張公益自信不以
爲戚張公平生廉不治生業及以孝歸居于吳而資養
或不足夫人薄衣約食不以其不足累於張公蓋夫人
學浮屠通其書之說故其於窮達之際能泊然安於命
而不以外物動其心此士君子有所不及而夫人能之

賢矣初夫人與張公恩義甚篤公既卒夫人感慕哭泣
遂被疾不可治積五年年七十三治平元年五月甲子
卒於杭州七月甲申歸祔于張公之墓張公諱沔其葬
有翰林侍讀學士劉君之銘可考也夫人三子諷國子
博士誥尚書都官員外郎誨杭州觀察推官五女長嫁
國子博士刁維次隨州節度推官章中正次嫁進士陳
玘次嫁駕部員外郎邊球次嫁太常寺太祝胡湘再嫁
屯田郎中石元之孫男十四人長元忠揚州廣陵主簿
次元方試將作監主簿女十二人長嫁進士沈遼次嫁

沈氏二先生文集

卷第十

五

川文

湖州司戶參軍蘇液曾孫三人夫人兄瓘尚書吏部侍郎弟琰光祿卿大夫初封長安壽昌及今長壽凡三邑也始余佐金陵爲張公屬官而與三子游其後又爲婚姻通家及是則少子爲余州從事迎夫人居官長子通判湖州未行次子通判越州時時以公事來省其親三子皆純孝諸婦循睦孫曾滿前閨門熙熙足以爲夫人樂然夫人已老而疾痼遂不起烏乎吾所知夫人之賢可謂信而銘之以傳於後無愧矣銘曰顯顯魏氏於國有功我之宗兮晏晏張公善人之師我所歸兮孝睦慈

惠秉心淵塞攸好德兮維諷誥誨克紹厥美宜其子兮
壽有餘齡養有餘祿終多福兮穹隆之陽從公斯宅視
雙石兮

方夫人墓誌銘

夫人姓方氏東陽人贈尚書屯田員外郎允之女母曰
南陽縣太君施氏夫人年二十一歸于郡人陳君爽生
五男曰磐曰舜臣曰寶臣曰礪曰確三女適張氏曹氏
王氏年七十嘉祐元年十二月某甲子寢疾卒明年八
月某甲子葬于金華縣先塋之次確余同年進士也以

沈氏三先生文集

卷第十

六

川上

書來曰確不孝不得究母之養恨卽死念無以盡其心
幸得銘母之懿以藏諸幽使後世有聞確之望也敢以
請余昔嘗聞東陽人道夫人之賢者曰夫人少孝有屯
田君之喪南陽悲甚夫人始十餘歲能開勉南陽以理
退則銜哀不能食宗族稱以爲異旣歸陳氏舅姑賢之
任以家事上下咸得其心無閒言皇姑常曰我家大非
我婦莫能輯也皇姑歿專內治祭祀以時賓客以禮凡
婦人之事小大罔不躬羣婦循服天性仁儉所以自養
者甚薄而內外之孤收字嫁娶無一失所者甚愛諸子

而寶臣確嘗遊學京師者五年夫人未嘗命以歸或以爲言夫人曰吾子能自求於學吾志也確登甲科爲滌台二州從事欲迎夫人以行夫人不可曰顛而心無以吾爲憂也陳君以德行名州里夫人有助諸子修整舜臣寶臣皆爲進士確尤有名達於爲政又夫人之教東陽人道夫人之賢如此是可以銘而傳信於後者也夫人歿時陳君爲太常寺奉禮郎致仕舜臣寶臣先卒確爲台州判官銘曰陳在東陽世惟大家肅肅內治風于邇遐其治惟何夫人是力孝睦慈儉婦功母德其歸之良其子之榮旣豐而裕旣壽而寧宅之維深石也不朽銘以善辭永詔爾後

沈氏二先生文集

卷第十

七

川七川

尚書都官員外郎江君墓碣文

衢州開化縣之江村原有墓者故尚書都官員外郎江君之所葬也江氏世爲縣著姓君諱某字執中性剛而行高又負其材未嘗少屈于人與人交必稱其善而責其不善故賢者莫不願得與君交而不賢者莫不自畏君又不肯有所匿以謂非盡心於人之義用是小人多不快往往造爲毀言君亦不爲之易也使君能少加裕

於眾則盡善矣古之人不足道也雖然君之慷慨烈直古之人何足道哉君始以進士連爲建洪兩州觀察推官遷祕書省著作佐郎知江寧府上元縣所至名聲出人上慶曆中西方用兵而北邊多警近臣有薦其材者擢通判信安軍病不行知益州溫江縣遂監州之交子務是時文丞相帥蜀而成都大府其官屬與四方之賓客號爲多士而皆莫敢望江君丞相加禮焉代還通判台州四遷至尙書都官員外郎君有兄不肖以妾爲正室兄死益無賴亂家事太夫人命斥還其家不伏及訴

沈氏二先生文集

卷第十

六

川文

君於部使者使者庸人又素惡君不爲辨而聞於朝追君對獄信州予時佐建康軍而君過焉予往見君曰君不能受汙而必求直耶君笑曰是寧能汙我顧不可使吾親對獄耳而治獄者又無狀不能辨君卽自誣爲辭詔奪一官廢君旣歸告人曰我知不遇於斯時也久矣獨以吾親在尙欲以仕爲榮耳今乃得休吾身以養吾親焉自是日閉門不與俗人通而以讀書教子弟爲事閒則游山水賦詩飲酒一不以外物動其心後三年年五十六乃卒烏乎爲國家者常思材之難得幸得之未

能用而小人又乘勢并力以敗之彼小人者可一日而
使居位耶古之人所以有發憤而自棄於山林無悔者
不足怪也君卒後九年子爲會稽君之子崧一日來曰
先人之葬章望之表民實爲銘其世次卒葬月日終始
旣具然知先人者莫如公今墓有碣未有刻也願公有
以刻之則先人爲不朽而崧死且不恨矣予旣常嘆君
之材不用於時以廢死又悲小人之在位者實繁而爲
國家之害未已庶幾有得吾言而創艾之然則吾之言
其可已耶嘉祐七年四月十五日

沈氏三先生文集

卷第十

九

川、公

其四曰...
國...
之材不用於時...
以刻之則先人...
國家之害未已...
其可已耶嘉祐...
沈氏三先生文集卷第十

